

SKU110P

中國方志叢書·華中地方·第三三七號


據

清
民國十二年
金
國
鉛
鈞
印
纂
本

影印

湖北省

黃陂縣志稿



成文出版社有限公司印行



10098285

中華民國六十四年 月壹一版

黃陂縣志稿

全 册

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

黃陂縣志稿弁言

此書爲世父可亭學士道光時在京師編輯書未成而粵寇起
遂以輟業僅成沿革人物二種考核翔實較舊志之闕漏判若
霄壤惟沿革門每篇以數語作綱領似用顧氏方輿紀要法人
物門各傳旁註太繁均與體例未合願與博雅君子商之

志書乃史書一類非有史學者不能率爾操觚同治時舊志鄙
陋極矣前輩徒習科舉吾不敢議此後若議重脩務必痛除陋
習乃不見笑大方志書體例非一言可盡而各邑亦鮮善本惟
武功朝邑靈壽三書最爲著名近代莫友芝移遵義府志王千
秋之湘潭縣志亦稱善本乾隆時多宏博大儒漢學精深洪亮

吉孫星衍章學誠諸人爲志書專家章氏之文史通義論體例至爲詳悉雖陳義過高不能盡見施行然神而明之在乎其人庶於龍門蘭臺之書不相差謬

永學殖荒落何敢輕言著述兼之衰頹朽鈍江郎才盡不克續成全書良用咎心烽煙滿地道殫相望財用耗竭人心不古焉有餘力及此而孤本流傳恐就淪失乃與舍弟鳴清曉峰商推暫用機器印刷成書以代傳抄若夫表彰前輩嘉惠後學是有待於後之君子

此書同邑讀書識字之家宜各置一本四鄉各會各值一本如承平之後重脩依此續輯可收事半功倍之效 姪永森謹識

黃陂縣志稿

金國均可亭輯

黃陂縣沿革

姪永森補
姪永聲校

黃陂州之域

方輿紀要荊州今湖廣荊州郡至四川遵義府今貴州及重慶府南今又貴州思
南州石阡等府及廣西之全州廣東之連州皆是其地

黃陂方輿紀要國州

周禮職方氏正南曰荊州

春秋時其地屬黃陂十二年為楚所滅

輿地志勝黃陂黃帝之後顓頊曾孫陸終生六子封於黃其後以國名天桓公
八年楚子會諸侯於沈鹿黃陂不會僖公十二年黃人不共楚職曰

九百里焉能害我於是楚滅黃杜預曰黃國在今弋陽縣(元和郡國志)黃國

故城在今光州定遠縣西二十里(方輿紀要)今光州西十二里有黃城即古

黃國按此別今之黃州持黃國也(楚紀)黃國即今黃州(湖廣通志)左

傳黃人謂自郢按春秋楚子都及我九百里今自郢至齊安約九百里則

黃當即今之黃州按上二說(通志)光州即春秋時黃國黃州即春秋時郟

國後為黃國之境(文獻通考)以此為據而一統志因之止據黃國之境

一語遂以黃州為黃國而於光州注為黃國三國地蓋不復考之春秋漸失

其真矣廖道南謂黃州為古黃國且云至黃國觀黃子故墟竊怪東坡赤壁賦

略黃子詠孟德為未考則於黃之故都仍為疑誤(郡國利病)黃國韻項之

齊(左傳)桓公八年楚子合諸侯於沈鹿黃隨不會使蓬章讓黃而黃始見

於經則黃當與隨為鄰僖公二年宋齊江黃盟於貫則黃又與江為鄰按隨即今

州即今汝寧府真陽縣至十二年黃人恃諸侯之睦於齊也不共楚職曰自郢及我九百里

焉能害我於是楚滅黃今考諸書杜預去古未遠釋經之初固無淆亂杜佑以是宗之其爲有據竊謂黃之鄰江都隨正爲黃岡麻城黃陂之境距荊州界九百里東坡指掌圖亦復相同則黃州府信非黃故國而其四境則黃國所有之地也

迄乎戰國黃歇之封在此宜在楚徙郢君之後

（齊安志）黃歇相楚受淮北十二縣之封以其地介於蘄春申息之間按齊在

州中處杜佑謂即申州今之信陽州也故曰春申君（白茅堂集）黃州因戰國時黃歇封

地故以名州若黃岡黃陂黃梅黃安則又以黃州得名耳按黃州之名一則爲黃帝之裔

後周改南司州爲黃州此爲建置黃州之始則黃州之治創於黃

楚徙郢君復爲郢地

（郡國利病）周初封郢於魯按郢國在今兗州府鄆縣左傳文公十三年鄭文公至列國滅之

徙封於黃按（路史）郢亦在黃今黃州西北新洲地有郢城即郢君所居而（通典）謂黃州東當百二十里臨江

與武昌相對有郢城（太平寰宇記）因之二說不同願景厚謂楚宣王滅郢遷其都於黃故名郢城

（史記）秦昭王遣白起伐楚取西陵（輿地廣記）黃陂漢西陵廢地太平寰宇記

（方輿紀要）西陵城在黃州府東東字想係西字之訛以形勢卷內謂西陵城在黃州府西北百二十里故也北百里本楚之

西陵邑楚頃襄王二十年秦白起拔西陵即此漢置西陵縣江夏郡治於此後

漢因之按此云西陵城在府東北（一統志）西陵故城有二一在黃岡縣西北漢置縣至梁

而廢西陵漢置西陵縣晉初屬武昌郡後屬黃岡縣宋屬西陽郡道齊為郡治梁陳因之（元和郡縣志）西陵故城在黃岡縣西

二里是也一在蕪水縣西南孫吳所置（吳志甘寧傳）寧拜西陵太守領陽

新下雉兩縣（水經）江水又東逕西陵故吳城南是也顧道元以江水所逕

之西陵即白起所拔之西陵似誤按今宜昌府在漢為夷陵縣

四十郡分於秦皇此屬南郡

（通典）秦氏罷侯置守列為四十郡日內史曰三川曰河東曰上黨曰太原二代郡曰臨晉曰

鉅鹿曰魯陽曰南陽曰滎陽曰陳曰東郡曰魏郡曰齊郡曰魯郡曰宋郡曰衛郡曰趙郡曰魏郡曰中山曰燕郡曰代郡曰南郡荊州

之域今江陵清江也東竟陵通志富水安陸齊安漢陽江夏及荊州之域襄

北一百二十里以今日地形言之黃陂在黃州府西北當是知縣之境然故其
葉遂引證為難諸志皆曰西陵姑存此一解耳

莽移漢祚改西陵曰江陽光武中輿制仍前漢

（前漢書地理志）（注）西陵恭曰江陽（後漢書郡國志）荊州刺史部

領郡七曰南陽曰南郡曰江夏曰谷江夏郡領十四城曰西陵曰西陽曰麻口曰鄧州曰竟陵曰宜山曰

陸安（通典）後漢光武并省郡國亦為十三州部如前漢之制

建安末遣劉表據之始築黃城以為重鎮黃祖閱武兼習戰於武湖

（元和郡縣志）黃陂漢西陵縣地劉表為荊州刺史以此地當江漢之口懼

吳侵軼使黃祖於此築城鎮遏因名黃城鎮武湖在縣南四十九里黃祖閱武

習戰之所黃祖時為江夏太守

三國分爭并於曹魏建江夏郡以拒孫吳

（舊通志）三國時魏吳各置江夏郡吳之江夏治沙羨按舊通志三國時江夏郡治沙羨

昌南縣之部在舊江夏郡屬魏之荆州是吳無江夏郡也考是時吳之荆州治南郡吳之鄂州治江夏魏之荆州治襄陽兩郡江夏郡皆治西陵在今黃岡縣境至魏始移治於石陽吳於沙羨立武昌郡非江夏郡也魏之

江夏治石陽在今黃陂縣曹芳嘉平中始徙上昶城(魏志王基傳)表城上

昶徙江夏郡治之以偏夏口由是賊不敢輕越江按是時吳據武昌與魏只隔一江故移江夏郡於夏口夏口即漢口也

文聘守之屯兵石梵恩威並著凡數十年

(魏志武帝紀)建安十三年七月得荆州以表大將文聘為江夏太守

(文聘傳)太祖先定荆州以江夏與吳接壤民心不安乃以聘為江夏太守

按魏時江夏郡治在今黃岡至是乃移於石陽使典北兵委以邊事文帝臨祚使與夏侯尚南江陵聘別屯河

口止於石梵自當一隊(方輿紀要)石陽城在黃陂縣西亦名石梵與泗水相近也聘在江夏數十年增邑五百戶

并前千九百戶有威恩名震敵國賊不敢侵

吳立石陽見於宋志吳屯武昌口載在水經

(宋書地理志)江夏曲陵縣本名石陽吳立按魏得荆州即以文聘為江夏太守治石陽城孫權聞之不克是石陽乃魏地非吳所立也

(水經注)武水南至武城(方輿紀要)武城在黃陂縣東南界謂之武口城入大江東與舊屯所在荆州界

止於此

按孫權嘉禾後遷都於秣陵屯守兩口壽昌四年孫權常以三萬兵戍柵城武陸在兩口之東柵城之西吳志並無屯軍之事

然孫權圍之於先陸遜擊之於後而卒未嘗得也

（吳志孫傳權）黃武五年秋七月權聞魏文帝崩征江夏圍石陽不克而還

元和郡縣志石陽故城在壽陽縣西二十三里吳圍石陽不克而還即此

（魏志文聘傳）孫權以五萬衆自圍聘於石陽其

急聘堅守不動權住二十餘日乃解去聘追擊破之

（魏志）孫權自將數萬衆卒至石陽時大雨城崩壞人民散在田野

未及補前時孫權到不知所施乃思惟莫若烹豕可以疑之乃勅城中人使不得見自臥舍中不起權果疑之語其衆曰北方以此人忠臣也故官之以此郡今我至而不戰此不有密謀當必有外救遂不計攻而去此始與本傳相反

（吳志孫奂傳）權攻石陽奂以所部鮮于丹帥五千人先斷淮道自帥吳頂

張梁五千人爲軍前鋒（吳志朱然傳）權自率衆攻石陽及卒旋師潘璋斷

後夜出錯亂敵追擊璋璋不能禁然即還任拒敵

按吳志周傳潘璋責人遺疑以誘曹休有云東主致恨前若不拔石陽又云私恐石

陽城小不能久留往兵是孫權未嘗得石陽也

（吳志陸遜傳）嘉禾五年權北征使遜與諸葛瑾攻襄陽

遜徐整部伍張拓聲勢軍到白圍託言住獵潛遣將軍周峻等擊石陽石陽市

盛峻等奄至人皆捐物入城城門墜不得關敵乃自斫殺已民然後得關斬首

黃陂縣志

獲生凡千餘人

按表松之法以為遜慮孫權已退魏待單力於己既能獲拓形勢使敵不計犯何為復道諸將竟毀小縣致令市人駭奔自相傷害守城千人未足損魏徒使無辜之民罹荼毒及陸遜

傳中只載孫吳攻曹魏漢代為備將雲生為支策來蜀及江夏太守遂式自經二子還洛而已是陸亦未曾嘗有石陽也

無成功則沈約以石陽為吳立關道元以武城為吳屯不知何據

司馬氏既平蜀漢復議吞吳王濬帥樓船而東屯軍於此

(元和郡縣志)龍驤水在黃陂縣南七十二里晉龍驤將軍王濬率舟師伐

吳屯軍於此(方輿紀要)今黃陂縣南東湖之南牛湖之西北有水名

龍驤水非故蹟也

太康一統分十九州改石陽為曲陵仍隸荊州江夏

(通典)晉武帝太康元年平吳分為十九州部

曰司州曰冀州曰州曰青州曰徐州曰揚州曰荊州曰豫州曰益州曰梁州曰雍州曰

州曰秦州曰并州曰幽州曰平州曰交州曰廣州曰寧州

(晉起居注)太康元年改江夏石陽曰曲陵(晉書

地理志)荊州江夏郡統縣七

曰安陸曰雲杜曰高陵曰平春曰應山曰竟陵曰南新市按晉時江夏郡治安陸即

今德安府境陂於是時為曲陵與安陸毗連故武湖成主上通安陸之延頭而

安陸之東卽爲海陽縣也

士安擾亂倡自張昌太守弓欽敗奔嶺口始割安陸東界分置海陽

（資治通鑑）惠帝太安二年襄陽蠻張昌聚黨數千人爲亂更姓爲日李辰

募衆於安陸石巖山江夏太守弓欽遣兵討之不勝昌遂攻郡（晉書朱伺傳

）朱伺安陸人張昌之逆太守弓欽走嶺口伺與同輩椎實布與合衆討之不

尅乃與欽奔武昌後更率部黨攻滅之伺部曲等以諸縣附昌惟本部唱義討

逆逆順有嫌求別立縣因此遂割安陸東界爲海陽縣而貧焉按一按志及資治通鑑

五經宏 資因之

陶侃東拒錢端破之於長歧戍

（晉書張光傳）江夏太守陶侃與陳敏大將錢端相距於長歧將戰襄陽太

守皮初爲步軍使光設伏以待之武陵太守苗光爲水軍藏舟艦於沔水皮初

等與賊交戰光發伏兵擊之水陸同奮賊衆大敗（資治通鑑）晉惠帝永興

日... 孝建元年分江夏立安陸太守屬鄖州領縣二

本屬江夏至宋始改隸安陸郡

泰始六年併曲陵於安陸元徽之世改屬司州

(宋書州郡志) 曲陵縣本名石陽明帝泰始六年併入安陸後廢帝元徽四

年安陸太守度屬司州

謝晦敗走延頭為武湖戍主所執

(通典) 武湖在黃陂縣東宋謝晦為檀道濟所攻敗走被武湖戍主所執之

即此(資治通鑑) 謝晦發江陵與到彥之戰於彭城洲後檀道濟合軍至洲

尾晦軍皆潰晦夜得小船將還江陵而劉粹自陸路襲江陵至沙橋又大破晦

軍衆散略盡晦乃謀他走至安陸延頭

為武湖戍主執

黃陂縣南四十九里宋謝晦舉兵叛敗走武湖戍主執之即此地也